

Lo Baile Sufrèn

Lo Baile Sufrèn, que sus la mar comanda,
Au pòrt de Tolon a donat sinhau...
Partèm de Tolon cinc cents Provençaus.

D'ensacar l'Anglés l'enveja èra granda :
Volèm pus tornar dins nòstis ostaus
Que non de l'Anglès veguèm la desbranda.

Mas lo primièr mes que navegaviam,
N'avèm vist degun, que dins lis antenas
Li vòu de gabians volant per centenas...

Mas lo segond mes que navegaviam,
Una brofoniá nos balhèt pron pena !
E la nuèit, lo jorn, dur agotaviam...

Frederic Mistral
(Mirelha, cant 1).